

Այս բոլոր շրջանների ժամանակ նկատուելի է, որ Ասիական կամ Յարեթական դարերից սկսեալ Արիականների տիրող շրջանում աշխատաւորի ունակ ձեռքերը եւ ստեղծագործող միտքը անվերջ գործել են եւ զարգարել Ճորոխի Աւազանը. զարգացրել են ո՛չ միայն անասնապահութիւնը, երկրագործութիւնը, այգեպանութիւնն ու շինարարութիւնը, այլ եւ զարգացրել են երկիրը ճոխ կերտուածքներով. միայն վերջին — Խալամական շրջանը կործանարար եւ աւերիչ դեր է կատարել եւ քաղաքակրթութեան հետքերի փոխարէն նրա աւերիչ ձեռքերի հետքերն են մնացել: Անշուշտ առանց պեղման, գիտական ուսումնասիրութեան, դժուար է որոշ եզրակացութիւններ անել. բայց հեթանոսական եւ քրիստոնէական դարերի հազարաւոր ամբոցների, բերդերի, գղեակների ու արձանների, տաճարների եւ ասպարանքների հետքերը վկայում են, որ Ճորոխի Աւազանում քաղաքակրթութիւնն ու շինարարութիւնը ձեռք-ձեռքի տուած առաջ են գնացել միշտ. երբ ժողովուրդն անկախ է եղել եւ ինքնուրոյն գործել. իսկ երբ Խալիֆական-Խալամական տիրող իշխանութեան թաթի տակ է ընկել, նա անընդհատ զրկուել է շինարար ընդունակութիւնից եւ կործանման է դատապարտուել: